

## Band X., Nr. 4860, Seite 496-497

*Das Stadtgericht zu Mengen beurkundet seine Entscheidung im Streit des Abts von Zwiefalten und Reiners von Zwiefalten um Eigenleute zu Daugendorf und um den Teutschbuch.*

Ohne Ortsangabe, 1296. Mai 26.

Allen den die disen brief sehent lesent oder hörent lesen, tûn wir Eberhart von Rosenowe, ritter, an amman, und der . . rat ze Mængen kunt mit disem brieve, daz der ereber herre der apte von Zvivelvûn ainehalb und Reinher von Zvivelvûn anderhalb geschaiden und berihtet wurden umme den krieg, den sie hettun umme die vröwn, diu genant ist Lengenvelderin von Tögendorf, und umme iriu gesvistergit, siu sien man oder vröwen jung oder alt, und umme alliu diu menschen, diu von der vor genantun vröwn müter komen sint, und öch umme die ansprache, die Reinher der vor genante hette ald han mohte er ald sin erben an dem Tuzhebûche, indem er sprach er heite ain gemainmerke, also daz Reinher von Zvivelvûn und sin erben niut ze schaffende sun han noch ze tûnde mit den vordern lûten noch dehaine ansprache an den vordern Tuzhebûch han sun. Wirt öch hinnan hin under inen dehainerslahte krieg umme wisen oder æker ald umme dehain gût, daz sun siu an anander vorderûn und mugin siu denne niut verrihtet werden under anander, so sol iewederre zvene biderbe manne nemen in dem êrsten und næhsten manode und die rihtunge, diu von den under in wirt, die sun siu staete haben. Mugen aber die viere siu niut verrihten, so sun die selben viere ainen gemainen überman nemen und sun es rihten, obe si mugen. Mugen siu aber si niut verrihten, so sol ieweder tail reht vorderun von dem anderm, da es ime rehte kunt. Dis geschach won siu anander ansprachen mit fûrsprechen vor uns, do wir ze gerihte, sazen und ze ainem urkunde der warehait so henkin wir unserre stat insigil an disen brief.<br> <br> Diz geschach, do man zalte von gottes gebûrte zvelv hundert jare und sehse und niunzik jare, in dem iungesten jare, an dem samestage nach sant Urbans tag.

—

Textabdruck folgt dem Original (italienisches Perg.).<br> <br> Das abhangend befestigt gewesene Siegel ist abgegangen.

## Überlieferung und Publikationen

**Lagerort:**

HStA Stuttgart

**Signatur/Titel des Originals:**

B 551 U 315

**Überlieferung und Textkritik:**

Original. War auch im 1944 durch Fliegerangriff verbrannten Diplomat  
tar HStA Stuttgart H 14 Nr. 362, S. 6b.

## Weitere Angaben

**Sprache:**

Deutsch

**Ausstellungsort:**

Ohne Ortsangabe

**Ortsindex:**

Daugendorf Wohnplatz (17480)<br> Daugendorf, Riedlingen, BC<br>  
Mengen Wohnplatz (21164)<br> Mengen, SIG<br> Rosna Wohnplatz  
(21166)<br> Rosna, Mengen, SIG<br> Zwiefalten Wohnplatz (16028)<br>  
Zwiefalten, RT